

**PROGRAM RADA
NAČELNIKA OPĆINE STARI GRAD SARAJEVO
ZA 2011. GODINU**

Sarajevo, januara 2011. godine

UVODNI DIO

Programske aktivnosti Načelnika Općine Stari Grad Sarajevo za 2011. godinu predstavljaju planski akt koji se zasniva na Ustavnim, zakonskim i statutarnim principima, koji od općinskih organa i službi zahtjevaju da upravljaju javnim poslovima, striktno u granicama zakona, da rade i djeluju u interesu stanovnika Općine i da za to snose punu odgovornost.

OKVIRNI PLAN AKTIVNOSTI U 2011. GODINI

U okviru ovog plana aktivnosti za 2011. godinu radit će se na završetku započetih i otpočinjenju novih aktivnosti koje su direktno vezane na rad Općine, kao jedinice lokalne samouprave.

Nastavit će se proces jačanja lokalne zajednice i to naročito kroz efikasan rad mjesnih zajednica i Savjeta mjesnih zajednica, gdje se najbolje mogu uočiti svi problemi koji se tiču građana naše Općine, kao i inicirati njihovo efikasno rješavanje.

Kao logična posljedica prethodnog, i kao prioritetan cilj ove, kao i prethodne godine, bit će stvaranje još efikasnije uprave – uprave koja će omogućiti zadovoljavanje osnovnih potreba građana i rješavanje njihovih pojedinačnih zahtjeva, i to prije svega, svojim profesionalnim, stručnim i odgovornim angažmanom.

U 2011. godini nastavit će se sa aktivnostima praćenja racionalnog i efikasnog funkcionisanja jedinstvenog općinskog organa uprave i to kroz analizu sistematizovanih radnih mjesta, kao i preispitivanje postojeće organizacije općinskih službi i sektora, što je naš stalan i kontinuiran zadatak. Naročit akcenat bit će, stavljen na činjenicu da će se u ovoj godini istrajati na zahtjevu da svi državni službenici / namještenici iskažu savjestan i odgovoran odnos prema radu i s tim u vezi preispitati da li je ovaj uslov do sada bio zastupljen.

Aktivnosti uspostavljanja sistema kontrole finansijskog poslovanja Općine privest će se kraju, tako da će u ovoj godini, otpočeti postupak prelaska na trezorsko poslovanje.

U oblasti nove gradnje očekuje se završetak otpočetih projekata i otpočinjanje novih uz stvaranje osnovnih preduslova. Ovdje se prije svega misli na dovršetak započetih radova na objektu: „Kvadrant XII“, lokalitetu At-mejdan (ako se steknu uslovi), izgradnja i rekonstrukcija puta Faletići, dovršetak radova na izgradnji mosta na Obhodži, otpočinjanje radova izgradnje puta Iza Gaja (ako se steknu uslovi), konačna realizacija projekta Hidroflex postrojenja na Sedreniku (izdavanje upotrebne dozvole),

rekonstrukcija i sanacija ulice Sarači, otpočinjanje realizacije projekta „Šahinagića“ – izgradnja podzemnih garaža, dovršetak izgradnje Osnovne škole „Sedrenik“,....

U ovoj godini planirana je izrada brošure o Starom Gradu i svim kulturno-historijskim znamenitostima koje se nalaze na ovoj teritoriji, uz historijske podatke o nastanku Starog Grada, njegovom geografskom položaju, strukturi stanovništva, privrednim potencijalima, i sl. Brošure bi bile dvojezične, tj. na bosanskom i engleskom jeziku sa interesantnim dizajnerskim rješenjem, te popratnim fotografijama.

Određeni broj naprijed navedenih projekata radi se i u direktnoj je zavisnosti od drugih nivoa vlasti, organa i institucija, kao npr. radovi na lokalitetu At-mejdana u vezi sa kojima očekujemo određene aktivnosti nadležnog Zavoda, izgradnje puta Faletići koja se realizuje u saradnji sa Fondom za održivi povratak, i sl.

Navedene aktivnosti ovog okvirnog plana predstavljaju samo dio aktivnosti na kojima će se raditi ove godine, naravno, pored onih koje se podrazumijevaju i tiču se upravljanja poslovnim prostorima, javnim površinama i sl., o njima, kao i o svim drugim aktivnostima blagovremeno će se informisati Općinsko vijeće kroz redovne Informacije o aktivnostima Načelnika Općine.

PRIJEDLOZI OPĆINSKIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE

U okviru izrade normativne regulative, kao i sačinjavanja akata druge vrste, Općinskom vijeću će u 2011. godini biti ponuđen određeni broj akata na razmatranje i usvajanje.

Naravno, pored planiranih aktivnosti u ovom segmentu, Općinsko vijeće će biti u prilici da razmatra i nove normativne i druge akte za čijom izradom se pojavi potreba, a što u ovom momentu nije moguće planirati.

Akti koji se namjeravaju ponuditi u ovom programskom periodu su, između ostalog, sljedeći:

1. Odluka o izmjenama i dopunama Odluke o osnivanju mjesnih zajednica na području Općine Stari Grad Sarajevo;
2. Odluka o izmjenama i dopunama Odluke o rasporedu poslovnih djelatnosti na području Općine Stari Grad Sarajevo;
3. Odluka o izmjenama i dopunama Odluke o prodaji poslovnih prostora zakupcima;

4. Odluka o utvrđivanju koeficijenta za plaće državnih službenika i namještenika u službama Općine Stari Grad Sarajevo;

5. Odluka o organizaciji službi Općine Stari Grad Sarajevo;

6. Odluka o privremenom korištenju javnih površina na području Općine Stari Grad Sarajevo;

7. Odluka o visini naknade za pogodnosti gradskog građevinskog zemljišta – rente na području Općine Stari Grad Sarajevo za 2011. godinu;

8. Odluka o utvrđivanju visine naknade za građevinsko, poljoprivredno i gradsko građevinsko zemljište za 2011. godinu;

9. Izvještaj o izvršenju Budžeta Općine Stari Grad Sarajevo za period 01.01.2011. godine – 31.03.2011. godine, 01.04.2011. – 30.06.2011. godine, 01.07.2011.-30.09.2011. godine, 01.10.2011.-31.12.2011. godine;

10. Izvještaj o vršenju inspekcijskog nadzora u oblasti urbanizma i građenja;

11. Izvještaj o uspjehu i vladanju učenika osnovnih škola u prvom polugodištu 2010/2011.godine;

12. Izvještaji o provođenju normativnih akata koje je donijelo Općinsko vijeće Stari Grad Sarajevo i to:

- Izvještaj o provođenju Odluke o dodjeli i prodaji stanova u vlasništvu Općine Stari Grad Sarajevo;
- Izvještaj o provođenju Odluke o davanju u zakup stanova zakupcima ;
- Izvještaj o provođenju Odluke o hitnim intervencijama;
- Izvještaj o provođenju Odluke o dodjeli u zakup poslovnih zgrada i prostora Općine Stari Grad Sarajevo;
- Izvještaj o provođenju Odluke o prodaji poslovnih prostora zakupcima;
- Izvještaj o provođenju Odluke iz oblasti imovinsko pravnih odnosa;
- Izvještaj o provođenju Odluke iz oblasti urbanizma;
- Izvještaj o provođenju Odluke iz oblasti boračko-invalidske i socijalne zaštite, kao i svih drugih Odluka po kojima postupaju općinske službe i sektori.

13. Informacije o aktivnostima Načelnika Općine;

14. Informacije o stanju naplate zakupnina u okviru poslovnih prostora;

15. Informacije o stanju komunalne čistoće;

16. Informacija o izvršavanju Budžeta Općine Stari Grad Sarajevo za period od 01.01.2011. – 30.09.2011. godine;

17. Informacija o uspjehu i vladanju učenika osnovnih škola u školskoj 2010/2011. godini i upisu djece u prve razrede osnovnih škola;

18. Informacija o pripremljenosti za zimsko održavanje saobraćajnica na području Općine Stari Grad Sarajevo;

19. Informacija o provođenju dokumenata prostornog plana.

DOKUMENTI PROSTORNOG PLANIRANJA

Općinska administracija će aktivno učestvovati u prostornom planiranju lokaliteta Starog Grada u suradnji sa nosiocima izrade planova prostornog uređenja : Zavodom za planiranje razvoja Kantona Sarajevo i drugim subjektima planiranja.

Po dinamici predviđenoj u proceduri izrade prostorno-planske dokumentacije organizovat će se javne tribine i javne rasprave, a koje će se odnositi na izradu planova prostornog uređenja:

1. Regulacioni plan „Mahale- Medrese“
2. Regulacioni plan „Mahale – Kovači“
3. Regulacioni plan „Logavina“
4. Korekcija Regulacionog plana „Sedrenik“
5. Priprema za pristupanje izradi Urbanističkog projekta „Mihrivode“
6. Nastavak aktivnosti na izradi Urbanističkog projekta „Spomen obilježje Papi Ivanu Pavlu II“.

Prema Gradskoj upravi kandidovana je izrada sljedećih regulacionih planova:

1. Regulacioni plan „Alifakovac – Babiča bašta“
2. Regulacioni plan „Paje-Mahmutovac“
3. Regulacioni plan „Jarčedoli“.

OBLAST INVESTICIJA

U oblasti investicija privest će se kraju investicije koje su ugovorene u ranijem periodu, a započeti i neke nove investicije. Dio tih projekata naznačen je i u dijelu okvirnih aktivnosti Načelnika Općine:

1. Dopršetak projekta „Kvadrant XII“;
2. Dopršetak radova na lokalitetu At-mejdan (ako se steknu uslovi);
3. Vanjsko uređenje škole „Sedrenik“
4. Konačna realizacija projekta izgradnje Hidroflex-a sa distributivnom mrežom (izdavanje upotrebne dozvole);
5. Sanacija Mjedeničkog potoka;
6. Totalna rekonstrukcija izgradnje, kišne kanalizacije, ceste, potpornog zida na lokalitetu Jarčedoli od 32 do kombi okretnice Popov gaj;
7. Izgradnja mosta na Obhodži – završetak radova;
8. Izgradnja i rekonstrukcija puta Faletići;
9. Realizacija projekta „Šahinagića“ – izgradnja podzemne garaže;
10. Rekonstrukcija i sanacija ulice Sarači;
11. Asfaltiranje ulica;
12. Krpljenje udarnih rupa;
13. Izgradnja i rekonstrukcija potpornih zidova;
14. Popločavanje ulica i rekonstrukcija, sanacija i izgradnja kaldrma;
15. Sanacija Vratničkog bedema, i dr.

OBLAST KULTURE I SPORTA

Kao i svih ranijih godina, podržat će se projekti iz oblasti kulture, i to, između ostalog:

- Bašćaršijske noći;
- Sarajevska zima;
- Sarajevo film festival;
- Organizacija dočeka Nove godine i druge slične manifestacije.

Takođe ćemo dati i adekvatnu podršku razvoju i afirmaciji sporta, kao i podržati određene sportske manifestacije :

- šahovski i fudbalski Memorijal Asim Ferhatović Hase
- Memorijalni karate turnir Salko Čurić;
- Memorijalni bokserski turnir Mustafa Hajrulahović Talijan;
- Bajramski nogometni turnir;
- Božićni nogometni turnir, i dr.

Sve navedene aktivnosti planirane u okviru Programa rada Načelnika kretat će se u granicama realnih mogućnosti i u skladu sa sredstvima planiranim u Budžetu Općine za 2011. godinu.

ZAVRŠNI DIO

Pravni osnov za donošenje Programa rada Načelnika Općine sadržan je u Statutu Općine Stari Grad Sarajevo i obavezi Načelnika Općine da prezentira svoj Program rada za tekuću godinu.

Programske aktivnosti Načelnika Općine su planski akt koji je osnova za izradu Programa rada Općinskog vijeća za 2011. godinu.

U vezi sa naprijed navedenim Načelnik Općine Program rada za 2011. godinu prezentira Općinskom vijeću.

NAČELNIK OPĆINE
Ibrahim Hadžibajrić,s.r.